

Broj: 03-02-909/2015
Sarajevo, 19.02.2016. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Edin Mušić, predsjedavajući

- Dom naroda -
gđa Lidija Bradara, predsjedavajuća

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

19-02-2015

PRIMLJENO:				
Broj i godina	Klasif. grupa	Broj i godina	Vrijednost	Priloga
01-02	-1167	195		

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa članom 165. stav (4) Poslovnika Predstavničkog doma Parlamenta Federacije BiH ("Službene novine Federacije BiH", br. 69/07 i 2/08) i članom 157. stav (4) Poslovnika o radu Doma naroda („Službene novine Federacije BiH", br. 27/03 i 21/09), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o zabrani negiranja, minimiziranja, opravdavanja ili odobravanja holokausta, zločina genocida i zločina protiv čovječnosti, koji je u parlamentarnu proceduru uputio Dennis Gratz, poslanik u Predstavničkom domu Parlamenta Federacije BiH**, a koje je Vlada Federacije Bosne i Hercegovine utvrdila na 41. sjednici, održanoj 18.02.2016. godine.

S poštovanjem,



PREMIJER

Fadil Novalić

Prilog: kao u tekstu

**Cc: Federalno ministarstvo pravde
gosp. Mato Jozić, ministar**

Na osnovu člana 51. Poslovnika o radu Vlade Federacije Bosne i Hercegovine – prečišćen tekst - („Službene novine Federacije BiH“, br. 6/10, 37/10 i 62/10) a u vezi sa članom 165. stav (4) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i članom 157. stav (4) Poslovnika o radu Doma naroda („Službene novine Federacije BiH“, br. 27/03 i 21/09), nakon razmatranja Prijedloga zakona o zabrani negiranja, minimiziranja, opravdavanja ili odobravanja holokausta, zločina genocida i zločina protiv čovječnosti, koji je u parlamentarnu proceduru, radi donošenja po skraćenom postupku uputio Dennis Gratz, poslanik u Predstavničkom domu Parlamenta Federacije BiH, Vlada Federacije Bosne i Hercegovine je na 41. sjednici, održanoj 18.02.2016. godine utvrdila sljedeće

MIŠLJENJE

Analizirajući predloženo zakonsko rješenje utvrđeno je da je isto djelimično već uvršteno u krivično zakonodavstvo Federacije Bosne i Hercegovine i to u odredbama Zakona o dopuni Krivičnog zakona Federacije Bosne i Hercegovine („Službene novine Federacije BiH“, broj 76/14), kojim je dopunjen član 163. sa novim stavom (5) koji glasi:

„Ko krivično djelo iz stava (1) ovog člana učini javnim poricanjem ili opravdavanjem genocida, zločina protiv čovječnosti ili počinjenih ratnih zločina utvrđenih pravosnažnom odlukom Međunarodnog suda pravde, Međunarodnog krivičnog suda za bivšu Jugoslaviju ili domaćeg suda kaznit će se kaznom zatvora od tri mjeseca do tri godine.“

Obzirom da predlagač predmetnu materiju izdvaja u zasebnu zakonsku cjelinu, odnosno izdvaja u poseban zakon, očito je da prilikom predlaganja ovog zakonskog rješenja, nije vodio računa o pozitivnim zakonskim propisima, odnosno činjenici da je navedeno krivično djelo već propisano Krivičnim zakonom Federacije BiH. Usvajanjem ovakvog zakonskog rješenja predmetna materija bi bila dvostruko normirana i u Krivičnom zakonu Federacije BiH kao i u posebnom Zakonu, čije se usvajanje predlaže, što bi dovelo do pravne nesigurnosti u primjeni krivičnog zakonodavstva u Federaciji BiH. Pored navedenog, Zakon sadrži i određene nejasnoće osobito u članu 4. stav (1) Prijedloga zakona gdje u pozivanju na član 20. Krivičnog zakona Federacije BiH, proizvodi određene nejasnoće u primjeni predložene odredbe.

U skladu sa navedenim, Vlada Federacije Bosne i Hercegovine ne može podržati predloženi zakon, posebno iz razloga što bi predmetnu materiju bilo potrebno urediti na nivou Bosne i Hercegovine kroz izmjene Krivičnog zakona Bosne i Hercegovine, čijom bi dopunom ovakvo opredjeljenje ostvarilo daleko veće efekte u krivično-pravnoj funkciji propisivanja novih krivičnih djela.

V. broj: 382 /2016
18.02.2016. godine
Sarajevo

PREMIJER

Fadil Novalić

